


校刻  
漢書評林

四六

漢書門				
一	三	二	一	五
號	函	架	冊	

內閣文庫			
三	一	三	漢
九	五	二	書
函	冊	號	類
一	〇		
九			
架	冊	號	類

內閣文庫		
番號	漢	132
冊數	50	(48)
函號	279	67



漢書評林卷之九十九

王莽傳第六十九中

始建國元年正月朔。莽帥公侯卿士奉皇太后璽鞞上

太皇太后師古曰鞞謂璽之紐音弗順符命去漢號焉。初莽妻宜春侯

王氏女立為皇后師古曰王所為丞相初封宜春侯傳稱至孫咸莽妻咸之女本生四男。宇

獲安臨。二子前誅死。安頗荒忽。廼以臨為皇太子。安為

新嘉辟師古曰辟君也謂之辟者取為國君之義音譬封字子六人。于為功隆公。壽

為功明公。吉為功成公。宗為功崇公。世為功昭公。利為

功著公。大赦天下。莽乃策命孺子曰。咨爾嬰。昔皇天右

乃太祖師古曰右讀曰佑。歷世十二。享國二百一十載。歷數在于

予躬。詩不云乎。侯服于周。天命靡常。封爾為定安公。永

為新室賓。於戲敬天之休。往踐乃位。毋廢予命。又曰。其

以平原安德。潔陰鬲重丘。凡戶萬。地方百里。為定安公

王莽曰張博條  
與籍不合者以  
為王莽本傳何  
應編年而紀  
至於編年元紀  
本紀屬后洗條  
於此中宗莽本  
是已或以為  
元后以元后為  
紀而繼漢何異  
又按莽令元城  
王氏不得與姚  
媯陳田和嫁娶  
以其同祖也而  
顧妻王氏女立  
為皇后身且不  
正何以正人

隆按莽于周公  
一忠一偽隔若  
是淵而莽自名  
勳曰周公而當  
不可勝紀非其  
久而即其人寧  
不以忠周公者  
忠莽乎哉懿哉  
王荆公詩云周  
公恐懼流言日  
王莽誰恭下士  
時假使當時身  
使死一生忠偽  
有誰知可為刻  
骨之說

漢書卷九十九 王莽  
師古曰五縣也潔音  
立漢祖宗之廟於其國與周後並行  
其正朔服色世世以事其祖宗永以命德茂功享歷代  
之祀焉以孝平皇后為定安太后讀策畢莽親執孺子  
手流涕歔歔曰昔周公攝位終得復子明辟今予獨迫  
皇天威命不得如意哀嘆良久中傅將孺子下殿北面  
而稱臣百僚陪位莫不感動又按金匱輔臣皆封拜以  
太傅左輔驃騎將軍安陽侯王舜為太師封安新公大  
司徒就德侯平晏為太傅就新公少阿羲和京兆尹紅  
休侯劉歆為國師嘉新公廣漢梓潼哀章為國將美新  
公是為四輔位上公太保後丞承陽侯甄邯為大司馬  
承新公師古曰丞丕進侯王尋為大司徒章新公步兵將  
軍成都侯王邑為大司空隆新公是為三公大阿右拂  
大司空衛將軍廣陽侯甄豐為更始將軍廣新公師古曰拂謹曰

彌京兆王興為衛將軍奉新公輕車將軍成武侯孫建  
為立國將軍成新公京兆王盛為前將軍崇新公是為  
四將凡十一公王興者故城門令史王盛者賣餅莽案  
符命求得此姓名十餘人兩人容貌應卜相徑從布衣  
登用以視神焉餘皆拜為郎是日封拜卿大夫侍中尙  
書官凡數百人諸劉為郡守皆徙為諫大夫改明光宮  
為定安館定安太后居之以故大鴻臚府為定安公第  
皆置門衛使者監領敕阿乳母不得與語常在四壁中  
孟康曰令定安公居  
四壁中不得有所見  
至於長大不能名六畜後莽以女孫宇  
子妻之莽策羣司曰歲星司肅東嶽太師典致時雨昭應  
曰貌之不恭是謂不肅肅敬也厥罰常雨常雨水也故申戒  
厥任欲使雨澤以時也晉灼曰衆物生於東方故戒太師也  
青燁登平  
考景以暑服虔曰燁音暉如淳曰青氣之光輝也晉灼曰言青陽之氣始出  
也故考景始升而上以成萬物也春秋分立表以正東西東日之始出  
以暑屬焉熒惑司愆南嶽太傅典致時奧應劭曰視之不明是謂不愆愆智也厥罰

常煥煥暑也晉灼曰南方盛陽之位太傅師尊之稱故戒之也師古曰與音於六反

赤煒頌平考聲以律灼音曰頌寬頌也夏假也物假大乃宣平也六月陰氣之始故為地統地之中數六六為律律有刑有血色尚黃故考聲以律屬焉師古曰頌讀曰容

太白司艾西嶽國師典致時陽應劭曰言之不從是謂不艾艾安也厥罰常陽陽旱也

白煒象平考量以銓應劭曰量斗斛也銓權衡也晉灼曰象形也萬物無不成形於西方大小輕重皆可故稱量

屬辰星司謀北嶽國將典致時寒應劭曰聽之不聰是謂不謀謀圖也厥罰常寒晉灼曰北

陰主殺故戒國將伏也陽氣伏於下玄煒和平考星以漏應劭曰推五星行度以漏刻也晉灼曰和合也

日月紀於攝提攝提值斗杓所指以建時節故考星屬焉萬物皆合藏於北方水又主平故曰和平歷度起於斗分月刑元股

左司馬典致武應考方法矩張晏曰月為刑司馬主武又典天故使主威刑也主司

天文欽若昊天敬授民時力來農事以豐年穀師古曰力來勸勉之

也來音郎代反日德元太右司徒典致文瑞考園合規張晏曰日為陽位晉灼曰女園也五教在寬則和氣感物四

靈見象故文瑞焉師古曰女古版字主司人道五教是輔帥民

承上宜美風俗五品乃訓師古曰五教謂父義母慈兄友弟恭子孝也五品即五常謂仁義禮智信

斗平元心中司空典致物圖考度以繩張晏曰斗北斗也主齊七政司空主水土

土為中故責之孟康曰易河出圖洛出書司空主水土責主司地里平以其物也晉灼曰中央為四季土土者信信者直故為繩

治水土掌名山川眾殖鳥獸蕃茂草木各策命以其職

如典誥之文置大司馬司允大司徒司直大司空司若

位皆孤卿師古曰允信也若順也更名大司農曰義和後更為納言

大理曰作士太常曰秩宗太鴻臚曰典樂少府曰共工

水衡都尉曰予虞與三公司卿凡九卿分屬三公每一

卿置大夫三人一大夫置元士三人凡二十七大夫八

十一元士分主中都官諸職更名光祿勳曰司中太僕

曰太御衛尉曰太衛執金吾曰奮武中尉曰軍正又置

大贅官主乘輿服御物師古曰贅聚也言財物所聚也音之銳反後又典兵秩位

皆上卿號曰六監改郡太守曰大尹都尉曰太尉縣令

長曰宰御史曰執法公車司馬曰王路四門長樂官曰

常樂室未央官曰壽成室前殿曰王路堂服虔曰如言路寢也長安

劉放曰中尉廢久安得更名蓋是中壘校尉脫兩字

曰常安。更名秩百石曰庶士。三百石曰下士。四百石曰中士。五百石曰命士。六百石曰元士。千石曰下大夫。比二千石曰中大夫。二千石曰上大夫。中二千石曰卿。車服黻冕。各有差品。又置司恭。司徒。司明。司聰。司中大夫。及誦詩工。徹膳宰。以司過。策曰。予聞上聖欲昭厥德。罔不慎修厥身。用綏于遠。是用建爾司于五事。毋隱尤。毋將虛。師古曰。尤。過也。將。助也。虛。謂虛美也。言勿隱吾過而助為虛美。好惡不愆。立于厥中。於戲。勗哉。令王路設進善之旌。非謗之木。欲諫之鼓。師古曰。非音誹。諫大夫四人。常坐王路門。受言事者。封王氏齊綬之屬為侯。大功為伯。小功為子。緦麻為男。其女皆為任。師古曰。任之義。男亦任也。音壬。男以睦。女以隆。為號焉。師古曰。睦。隆。皆其受封邑之號。取嘉名也。皆以印鞞。令諸侯立大夫人。夫人世子亦受印鞞。又曰。天無二日。土無二王。百王不易之道也。漢氏諸侯或稱王。至于

一本皆下以作

四夷亦如之。遠於古典。繆於一統。其定諸侯王之號。皆稱公。及四夷僭號稱王者。皆更為侯。又曰。帝王之道。相因而通。盛德之祚。百世享祀。予惟黃帝。帝少昊。帝顓頊。帝嚳。帝堯。帝舜。帝夏禹。皐陶。伊尹。咸有聖德。假于皇天。師古曰。假。至也。升也。音工。雅反。功烈巍巍。光施于遠。予甚嘉之。營求其後。將祚厥祀。惟王氏虞帝之後也。出自帝嚳。劉氏堯之後也。出自顓頊。於是封姚恂為初睦侯。奉黃帝後。服虔曰。姚舜姓。故封為黃帝後。梁護為修遠伯。奉少昊後。益之後。故封之。皇孫功隆。公千奉。帝嚳後。劉歆為祁烈伯。奉顓頊後。國師劉歆子。疊為伊休侯。奉堯後。師古曰。上言紅休侯。劉歆為國師。嘉新公。今此是則祁烈伯自別。一。劉歆非國師也。媯昌為始睦侯。奉虞帝後。山遵為襲謀子。奉皐陶後。伊玄為襲衡子。奉伊尹後。漢後定安公。劉嬰位為賓。周後衛公姬黨。更封為章平公。亦為賓。殷後宋

公孔弘運轉次移更封為章昭侯位為恪師古曰恪敬也言待之加敬亦如賓也周以舜後并祀宋為三恪也夏後遼西妣豐封為章功侯亦為恪服虔曰四

代古宗宗祀于明堂以配皇始祖考虞帝周公後襲魯子姬就宜尼公後襲成子孔鈞已前定焉莽又曰子前

在攝時建郊宮定祧廟立社稷師古曰遠祖曰祧音吐堯反神祇報況師古曰或光自上復于下流為烏或黃氣熏烝昭耀章

明以著黃虞之烈焉師古曰烈餘業也自黃帝至于濟南伯王而祖世氏姓有五矣師古曰濟南伯王莽之高祖黃帝二十五子

分賜厥姓十有二氏虞帝之先受姓曰姚其在陶唐曰嫫在周日陳在齊曰田在濟南曰王予伏念皇初祖考黃帝皇始祖考虞帝以宗祀于明堂宜序於祖宗之親

廟其立祖廟五親廟四后夫人皆配食郊祀黃帝以配天黃后以配地孟康曰黃帝之后也以新都侯東第為大禩歲時以

祀師古曰謀祀也立此大祠常以歲時祀其先也家之所尚種祀天下師古曰言國已立大禩祠先祖

矣其衆庶之家所尚者各令傳祀勿絕普天之下同其法姚嫫陳田王氏凡五姓者皆黃虞苗裔予之同族也書不云乎惇序九族其令天下上此

五姓名籍于秩宗皆以為宗室世世復無有所與其元城王氏勿令相嫁娶以別族理親焉師古曰元城王氏不得與四姓昏娶以其同祖也餘它王氏則不禁焉封陳崇為統睦侯奉胡王後孟康曰追王陳胡公田豐為

世睦侯奉敬王後孟康曰追王陳敬仲天下牧守皆以前有翟義趙明等領州郡懷忠孝封牧為男守為附城又封舊恩戴

崇金沙箕閔楊竝等子皆為男遣騎都尉囂等分治黃帝園位於上都橋時師古曰橋山之虞帝於零陵九疑胡

王於淮陽陳敬王於齊臨淄愍王於城陽莒服虔曰伯王於濟南東平陵孺王於魏郡元城師古曰莽之高祖名遂字伯紀曾祖名賀字翁

孺故謂之伯王孺王使者四時致祠其廟當作者以天下初定且祿

王維楨曰指哀  
章所為銅匱為  
親受金策於高  
帝之靈其誰欺

祭於明堂太廟。以漢高廟為文祖廟。

師古曰欲法舜受終於文祖

莽曰

予之皇始祖考虞帝受壇于唐漢氏初祖唐帝世有傳

國之象師古曰堯傳舜漢傳莽自予復親受金策於漢高皇

帝之靈惟思襲厚前代何有忘時漢氏祖宗有七蘇林曰漢本祀

祖宗有四莽以元帝成帝平帝為宗故有七以禮立廟于定安國其園寢廟在京

師者勿罷祠薦如故予以秋九月親入漢氏高元成平

之廟諸劉更屬籍京兆大尹勿解其復各終厥身州牧

數存問勿令有侵冤又曰予前在大麓至於攝假師古曰謂為大司馬宰衡時妄引舜納于大麓烈風雷雨不迷也攝假謂初為攝皇帝又為假皇帝深惟漢氏三七之院

赤德氣盡思索廣求所以輔劉延期之術靡所不用以

故作金刀之利幾以濟之師古曰幾讀曰冀然自孔子作春秋以

為後王法至于哀之十四而一代畢協之於今亦哀之

十四也張晏曰漢哀帝即位六年平帝五年居攝三年凡十四年赤世計盡終不可強濟皇

天明威黃德當興隆顯大命屬予以天下今百姓咸言

皇天革漢而立新廢劉而興王夫劉之為字卯金刀也

正月剛卯金刀之利皆不得行服虔曰剛卯以正月卯日作佩之長三寸廣一寸四方或用玉

或用金或用桃著革帶佩之今有玉在者銘其一面曰正月剛卯金刀其

底如冠纓頭刻其上兩行書文曰正月剛卯既央靈爻四方赤青白

黃四色是當帝令祝融以教夔龍庶疫剛瘴莫我敢當其一銘曰疾日嚴卯

帝令夔化順爾固伏化茲靈爻既正既直既觚既方庶疫剛瘴莫我敢當

古曰今往往有土中得玉剛卯者案大小及衣服說是也莽以劉字上有卯

下有金旁又有刀故博謀卿士僉曰天人相應昭然著明其

去剛卯莫以為佩除刀錢勿以為利承順天心快百姓

意乃更作小錢徑六分重一銖文曰小錢直一與前大

錢五十者為二品並行欲防民盜鑄乃禁不得挾銅炭

是歲四月徐卿侯劉快結黨數千人起兵於其國師古曰快

膠東恭王子也而王子侯表作快字從火與此不同疑表誤

快兄般故漢膠東王時改為扶

崇公快舉兵攻即墨般閉城門自繫獄吏民距快快敗

王慎中曰兄且  
閉城距之矣何  
以結數千人之  
心而據起兵於  
其國適足以自  
殺其驅爾

走。至長廣死。莽曰：昔予之祖濟南愍王困於燕寇，自齊臨淄出保于莒。宗人田單廣設奇謀，獲殺燕將，復定齊國。今卽墨士大夫復同心殄滅反虜，予甚嘉其忠者，憐其無辜，其赦股等，非快之妻子，它親屬當坐者，皆勿治。甲間死傷，賜亡者葬錢，人五萬，殷知大命，深疾惡快，以故輒伏厥辜。其滿殷國戶萬，地方百里，又封符命臣十餘人。莽曰：古者設廬井八家，一夫一婦田百畝，什一而稅，則國給民富而頌聲作。此唐虞之道，三代所遵行也。秦爲無道，厚賦稅以自供奉，罷民力以極欲，壞聖制，廢井田，是以兼并起，貧鄙生，強者規田以千數，弱者曾無立錫之居。又置奴婢之市，與牛馬同蘭。師古曰：蘭謂遮蘭之若牛馬蘭也。制於民臣，顯斷其命，姦虐之人，因緣爲利，至略賣人妻子，逆天心，詩人倫，繆於天地之性，人爲貴之義。書曰：子則

奴戮女

師古曰：夏書甘誓之辭也。奴戮戮之以爲奴也。

唯不用命者，然後被此辜矣。漢

氏滅輕田租

三十，薄稅。常有更賦，罷癘咸出，而豪民

侵陵，分田劫假

厥後，三守稅，實什稅五也。父子夫婦

終年耕芸

師古曰：芸字與耘同。

所獲不足以自存，故富者犬馬餘菽

粟，驕而爲邪

貧者不厭糟糠，窮而爲姦，俱陷于辜。刑用

不錯，予前在大麓

始命，寒不公田口井

師古曰：計口而爲井田。時則

有嘉禾之祥

遭反虜，逆賊且止。今更名天下田曰王田

奴婢曰私屬

皆不得賣買，其男口不盈八，而田過一井

者，分餘田予

九族鄰里鄉黨，故無田今當受田者，如制

度，敢有非井田聖制

無法惑衆者，投諸四裔，以禦魍魎

安漢五銖錢

以莽錢大小兩行，難知，又數變改，不信，皆

私以五銖錢

市買，訛言大錢當罷，莫肯挾莽患之，復下

漢約言曰名天  
王田曰王田所  
以罪莽也夫莽  
盜有神器據府  
庫之盛猶未變  
足多爲衛欲以  
唐虞三代以土  
養民之其法是  
亦遠乎



書諸挾五銖錢言大錢當罷者比非井田制投四裔於是農商失業食貨俱廢民人至涕泣於市道及坐賣買田宅奴婢鑄錢自諸侯卿大夫至於庶民抵罪者不可勝數秋遣五威將王奇等十二人班符命四十二篇於天下德祥五事符命二十五福應十二凡四十二篇其德祥言文宣之世黃龍見于成紀新都高祖考王伯墓門梓柱生枝葉之屬符命言井石金匱之屬福應言雌鷄化為雄之屬其文爾雅依託皆為作說師古曰爾雅近正也謂近於正經依命必有德祥之符瑞協成五命申以福應師古曰五命謂五行之次相承以受命也申然後能立巍巍之功傳于子孫永享無窮之祚故新室之興也德祥發於漢三七九世之後蘇林曰二百一十歲九天子也肇命於新都受瑞於黃支孟康曰黃支獸生犀開王於武功定命於

陸按總而說之是總四十二篇之事而為之說也班氏述此蓋通前所次符瑞者而總為收結之云

子同孟康曰梓潼縣也莽改也成命於巴宕晉灼曰巴郡宕渠縣也申福於十二應天所以保祐新室者深矣固矣武功丹石出於漢氏平帝末年火德銷盡土德當代皇天眷然去漢與新以丹石始命於皇帝皇帝謙讓以攝居之未當天意故其秋七月天重以三能文馬服虔曰三台星也晉灼曰許慎說文馬編身金精周成王時犬戎獻之師古曰能音台皇帝復謙讓未即位故三以鐵契四以石龜五以虞符六以文圭七以玄印八以茂陵石書九以玄龍石十以神井十一以大神石十二以銅符帛圖申命之瑞寢以顯著至于十二以昭告新皇帝皇帝深惟上天之威不可不畏故去攝號猶尚稱假改元為初始欲以承塞天命克厭上帝之心師古曰塞當也厭滿也然非皇天所以鄭重降符命之意師古曰鄭重猶言頻頻也重音直用反故是日天復決其所以勉書孟康曰哀章所作策書也言數有瑞應莽自謙居攝天復決其疑勸勉令為真也又侍郎王盱見人衣白

布單衣赤績方領師古曰績者會五采也以布為單衣以赤加績為其方領也肝音許于反績音胡內反

冠立于王路殿前謂肝曰今日天同色以天下人民屬

皇帝師古曰同色者言五方天神共齊其謀同其顏色也字或作包包者言天總包括天下人衆而與葬也其義兩通肝恠之行

十餘步人忽不見至丙寅暮漢氏高廟有金匱圖策高

帝承天命以國傳新皇帝明旦宗伯忠孝侯劉宏以聞

乃召公卿議未決而大神石人談曰趣新皇帝之高廟

受命毋留於是新皇帝立登車之漢氏高廟受命受命

之日丁卯也丁火漢氏之德也卯劉姓所以為字也明

漢劉火德盡而傳於新室也皇帝謙謙既備固讓十二

符應迫著命不可辭師古曰迫促也著明也懼然祇畏葦然閱漢氏

之終不可濟師古曰懼音懼懼然自失之意也葦然變動之貌也壺壺在左右之不得

從意師古曰壺壺自勉之意左右助也言欲助漢室而迫天命不得從其本意也左右音曰佐佑也為之三夜不御

寢三日不御食延問公侯卿大夫僉曰宜奉如上天威

命於是乃改元定號海內更始新室既定神祇懼喜申

以福應吉瑞累仍詩曰宜民宜人受祿于天保右命之

自天申之師古曰大雅假樂之詩也言有助德宜於衆人者則受天之福祿天乃保安而佑助之命以邦國也申謂重其意也

此之謂也五威將奉符命齎印綬王侯以下及吏官名

更者外及匈奴西域徼外蠻夷皆即授新室印綬因收

故漢印綬賜吏爵人二級民爵人一級女子百戶羊酒

蠻夷幣帛各有差大赦天下五威將乘乾文車鄭氏曰畫天文象於

也車駕坤六馬鄭氏曰坤為六地數背負驚鳥之毛服飾甚偉師古曰驚鳥雉

冠車服駕馬各如其方面色數師古曰色者東方青南方赤也數者若木數三火數二之類也

將持節稱太一之使帥持幢稱五帝之使莽策命曰普

天之下迄于四表靡所不至其東出者至玄菟樂浪高

句驪夫餘師古曰夫餘亦東北夷也南出者踰徼外歷益州

漢書卷九十九

莽傳

隆按曰杏爾曰死爾曰女作文法自典謨變化

貶句町王為侯。西出者至西域。盡改其王為侯。北出者  
 至匈奴庭。授單于印。改漢印文。去璽曰章。單于欲求故  
 印。陳饒椎破之。語在匈奴傳。單于大怒。而句町西域。後  
 卒以此皆畔。饒還拜為大將軍。封威德子。冬。露。桐華。置  
 五威司命。中城。四關將軍。司命司上公以下。中城主十  
 二城門。策命統睦侯陳崇曰。咨爾崇。夫不用命者。亂之  
 原也。大姦猾者。賊之本也。鑄偽金錢者。妨寶貨之道也。  
 驕奢踰制者。兇害之端也。漏泄省中及尚書事者。機事  
 不密則害成也。師古曰。易上繫之辭曰。君不密則失臣。臣不密則失身。機事不密則害成。故引之。拜爵王  
 庭。謝恩私門者。祿去公室。政從亡矣。凡此六條。國之綱  
 紀。是用建爾作司命。柔亦不茹。剛亦不吐。不侮鰥寡。不  
 畏強圉。師古曰。引詩大雅美仲山甫之辭。其義並解於上。帝命帥繇。統睦于朝。師古曰。繇。下繫之。循也。  
命說符侯崔發曰。重門擊柝。以待暴客。師古曰。易下繫之。辭也。擊柝謂擊木也。

以守夜也。暴客謂姦暴之人。來為寇害者也。柝音他各反。女作五威中城將軍。師古曰。女。中德既成。天下說符。師古曰。說音悅。命明威侯王級曰。繞雷之固。南當荆楚。服虔曰。陰險之道。師古曰。謂之繞雷者。言四面塞院。其道屈曲。豁谷之。水回繞而雷也。其處即今商州界七盤十二繞是也。雷音力救反。女作五威前關將軍。振武奮衛。明威于前。命尉睦侯王嘉曰。羊頭之院。北當燕趙。師古曰。羊頭山名。在上黨壺關縣。女作五威後關將軍。壺口捶拑。尉睦于後。師古曰。壺口亦山名也。捶拑謂據險扼而捶擊也。捶音之藥反。命堂威侯王奇曰。肴睨之險。東當鄭衛。師古曰。肴。肴山也。睨。睨池也。皆在陝縣之東。謂科閉之善莫善反。女作五威左關將軍。函谷批難。掌威于左。師古曰。批。也。函谷故關。今在桃林縣界。批音步結反。命懷羌子王福曰。汧隴之阻。西當戎狄。師古曰。汧。扶風汧縣。有吳山。汧水之阻。隴謂隴也。汧隴相連。汧音苦堅反。陝音丁禮反。女作五威右關將軍。成固據守。懷羌于右。又遣諫大夫五十人。分鑄錢於郡國。是歲。長安狂女子碧呼道中曰。師古曰。碧者。女子名也。高皇帝大怒。趣歸我國。不者。九月必殺汝。莽收捕殺之。治者掌寇。

大夫陳成自免去官師古曰狂妄之人職在掌寇故云治者真定劉都等謀舉

兵發覺皆誅真定常山大雷雨二年二月赦天下五威

將帥七十二人還奏事漢諸侯王為公者悉上璽殺為

民無違命者封將為子帥為男初設六筭之令師古曰筭主也

命縣官酤酒賣鹽鐵器鑄錢諸采取名山大澤衆物者

稅之又令市官收賤賣貴除貸予民收息百月三如淳曰出百錢

與民用月收其息三錢也犧和置酒士郡一人乘傳督酒利師古曰督視察之

禁民不得挾弩鎧徙西海匈奴單子求故璽莽不與遂

寇邊郡殺略吏民十一月立國將軍建奏西域將欽上

言師古曰世欽也九月辛巳戊己校尉史陳良終帶共賊殺校

尉刁護劫略吏士自稱廢漢大將軍亡入匈奴又今月

癸酉不知何一男子遮臣建車前自稱漢氏劉子輿成

帝下妻子也師古曰下妻猶言小妻也劉氏當復趣空宮收繫男子即

常安姓武字仲皆逆天違命大逆無道請論仲及陳良

等親屬當坐者奏可漢氏高皇帝比著戒云罷吏卒為

賓食師古曰比類也言高帝頻戒云勿使吏卒守漢廟欲為寄食之賓於王氏廟中誠欲承天心全子孫

也其宗廟不當在常安城中及諸劉為諸侯者當與漢

俱廢陛下至仁久未定前故安衆侯劉崇徐鄉侯劉快

陵鄉侯劉曾師古曰楚思王子扶恩侯劉貴等師古曰不知誰子孫更聚衆謀

反今狂狡之虜或妄自稱亡漢將軍或稱成帝子子興

至犯夷滅連未止者此聖恩不蚤絕其萌芽故也臣愚

以為漢高皇帝為新室賓享食明堂成帝異姓之兄弟

平帝婿也皆不宜復入其廟元帝與皇太后為體師古曰夫婦一體

聖恩所隆禮亦宜之臣請漢氏諸廟在京師者皆罷

諸劉為諸侯者以戶多少就五等之差其為吏者皆罷

待除於家師古曰罷黜其職各使退歸而言在家待遷除上當天心稱高皇帝神靈

漢書卷九十九

塞狂狡之萌。莽曰：可。嘉新公國師以符命為子四輔。明德侯劉龔。率禮侯劉嘉等。凡三十二人。皆知天命。或獻天符。或貢昌言。或捕告反虜。厥功茂焉。諸劉與三十二人同宗共祖者。勿罷。賜姓曰王。唯國師以女配莽子。故不賜姓。改定安太后號曰黃皇室主。絕之於漢也。冬十二月。雷。更名匈奴單于曰降奴服于。莽曰：降奴服于。知師古曰：知者莽改單于之名也。本名囊知牙斯。威侮五行。師古曰：引夏書甘誓之文。背畔四條。師古曰：背畔者。在匈奴傳。侵犯西域。延及邊垂。為元元害。擧當夷滅。命遣立國將軍孫建等。凡十二將。十道並出。共行皇天之威。罰于知之身。師古曰：共讀曰恭。惟知先祖。故呼韓邪單于稽侯獬師古曰：獬音剛。累世忠孝。保塞守徼。不忍以一知之罪滅稽侯獬之世。今分匈奴國土人民以為十五。立稽侯獬子孫十五人為單于。遣中郎將藺苞戴綬。馳之塞下。召

拜當為單于者。諸匈奴人當坐虜知之法者。皆赦除之。遣五威將軍苗詵。虎賁將軍王況。出五原。厭難將軍陳欽。震狄將軍王巡。出雲中。師古曰：厭音一涉反。振武將軍王嘉。平狄將軍王萌。出代郡。相威將軍李琴。鎮遠將軍李翁。出西河。師古曰：琴音所林反。誅貉將軍陽俊。討穢將軍嚴尤。出漁陽。奮武將軍王駿。定胡將軍王晏。出張掖。及偏裨以下百八十人。募天下囚徒丁男甲卒三十萬人。轉眾郡委輸。五大夫衣裘兵器糧食。長吏送自負。海江淮至北邊。使者馳傳督趣。以軍興法從事。師古曰：傳音張總反。天下騷動。先至者屯邊郡。須畢具。乃同時出。莽以錢幣訖不行。師古曰：訖音訖。復下書曰：民以食為命。以貨為資。是以入政以食為首。寶貨皆重。則小用不給。皆輕則儻載煩費。師古曰：儻音子就反。輕重大小各有差品。則用便而民樂。於是造寶貨五品。語在食

貨志百姓不從。但行小大錢二品而已。盜鑄錢者不可禁。廼重其法。一家鑄錢。五家坐之。沒入為奴婢。吏民出入持布錢。以副符傳。師古曰。舊法行者持符傳。即不稽留。今更令持布錢。與符相副。乃得過也。不持者。尉傳勿舍。關津苛留。師古曰。尉行道飲食處。傳置驛之舍也。苛問也。音何。公卿皆持以入宮殿門。欲以重而行之。是時爭為符命封侯。其不為者相戲曰。獨無天帝除書乎。司命陳崇白莽曰。此開姦臣作福之路。而亂天命。宜絕其原。莽亦厭之。遂使尙書大夫趙並驗治。非五威將軍所班。皆下獄。初甄豐劉歆王舜為莽腹心。倡導在位。褒揚功德。安漢宰衡之號。及封莽母兩子。皆豐等所共謀。而豐舜歆亦受其賜。並富貴矣。非復欲令莽居攝也。居攝之萌。出於泉陵侯劉慶。前輝光謝鷺。長安令田終術。莽羽翼已成。意欲稱攝豐等承順其意。莽輒復封舜歆兩子及豐孫。豐等

隆按初甄豐以下倒叙

呂祖謙曰。三子成王莽居攝之執而不欲莽之居攝。荷或致曹操九錫之功。而不欲操之受九錫。是猶培其根而惡其實也。

隆按揭出以詐立心。一句深中莽之為人。通傳字總只摹寫一詐字。

爵位已盛。心意既滿。又實畏漢宗室。天下豪傑。而疏遠欲進者。並作符命。莽遂據以即真。舜歆內懼而已。豐素剛強。莽覺其不說。故徙大阿右拂大司空。豐託符命文為更始將軍。與賣餅兒王盛同列。豐父子默默。時子尋為侍中。京兆大尹茂德侯。即作符命。言新室當分陝立二伯。師古曰。分陝者。欲伊周公召公故事。自陝以東。周公主之。自陝以西。召公主之。陝。即今陝州。是其地也。伯。長也。以豐為右伯。太傅平晏為左伯。如周召故事。莽即從之。拜豐為黃皇室主。為尋之妻。莽以詐立。心疑大臣怨謗。欲震威以懼下。因是發怒曰。黃皇室主天下母。此何謂也。收捕尋。尋亡。豐自殺。尋隨方士入華山。歲餘捕得。辭連國師公歆。子侍中東通靈將五司大夫隆威侯棻。棻弟右曹長水校尉伐虜侯泳。大司空邑弟左關將軍堂威侯奇。

一本大作天

隆按莽為人一段虛叙

及歆門人侍中騎都尉丁隆等牽引公卿黨親列侯以下死者數百人尋手理有天子字莽解其臂入視之曰此一大子也或曰一六子也六者戮也明尋父子當戮死也廼流荼于幽州放尋于三危廼隆于羽山師古曰效舜之罰共工等也頤頤也厥其也頤頤胡威反皆驛車載其屍傳致云莽為人侈口蹙頤師古曰侈大也蹙短也露眼赤精大聲而嘶師古曰嘶聲破也長七尺五寸好厚履高冠以鶩裝衣師古曰毛之強曲者曰鶩以裝褚衣中令其張起也蹙音力之反字或作蹙音義同反膺高視瞰臨左右師古曰瞰謂遠視也音曲濫反是時有用方技待詔黃門者或問以莽形貌待詔曰莽所謂鷓目虎吻豺狼之聲者也故能食人亦當為人所食問者告之莽誅滅待詔而封告者後常翳雲母屏面師古曰屏面即便面蓋扇之類也非親近莫得見也是歲以初睦侯姚恂為寧始將軍三年莽曰百官改更職事分移律令儀法未及悉定且因漢律令

儀法以從事令公卿大夫諸侯二千石舉吏民有德行通政事能言語明文學者各一人詣王路四門遣尙書大夫趙並使勞北邊還言五原北假膏壤殖穀師古曰北假地名也殖生異時常置田官乃以並為田禾將軍發戍卒屯田北假以助軍糧是時諸將在邊須大衆集吏士放縱而內郡愁於徵發民棄城郭流亡為盜賊并州平州尤甚莽令七公六卿號皆兼稱將軍遣著武將軍遂並等填名都師古曰遂音錄填音竹刃反中郎將繡衣執法各五十五人分填緣邊大郡督大姦猾擅弄兵者皆便為姦於外撓亂州郡貨賂為市侵漁百姓莽下書曰虜知罪當夷滅故遣猛將分十二部將同時出一舉而決絕之矣內置司命軍正外設軍監十有二人誠欲以司不奉命令軍人咸正也今則不然各為權執恐揭良民師古曰揭以威力脅之也音乎高反妄封

人頸得錢者去

如淳曰權臣妄以法枉良人為僮僕

毒蠶竝作

農民離散

師古曰蓋音呼各反

司監若此可謂稱不師古曰稱音尺孕反自今

以來敢犯此者輒捕繫以名聞然猶放縱自若而藺苞

戴級到塞下招誘單于弟咸咸子登入塞脅拜咸為孝

單于賜黃金千斤錦繡甚多遣去將登至長安拜為順

單于留邸太師王舜自莽篡位後病悸寢劇死師古曰心動曰悸寢

漸也悸音葵季反莽曰昔齊太公以淑德累世為周氏太師蓋予

之所監也師古曰監謂視見也其以舜子延襲父爵為安新公延

弟褒新侯匡為太師將軍永為新室輔為太子置師友

各四人秩以大夫以故大司徒馬官為師疑故少府宗

伯鳳為傅丞博士袁聖為阿輔京兆尹王嘉為保拂師古曰

曰拂讀曰弼是為四師故尚書令唐林為胥附博士李充為

韓走諫大夫趙襄為先後中郎將廉丹為禦侮是為四

隆按自莽篡位以來舉朝自心臣妾而凍凜然有伏節死義之心者庶幾勝一人云

友又置師友祭酒及侍中諫議六經祭酒各一人凡九

祭酒秩上卿琅邪左咸為講春秋潁川滿昌為講詩長

安國由為講易平陽唐昌為講書沛郡陳咸為講禮崔

發為講樂祭酒遣謁者持安車印綬即拜楚國襲勝為

太子師友祭酒勝不應徵不食而死寧始將軍姚恂免

侍中崇祿侯孔永為寧始將軍是歲池陽縣有小人景

長尺餘或乘車馬或步行操持萬物小大各相稱師古曰車馬及

物皆稱其人之形三日止瀕河郡蝗生師古曰謂緣河南北諸郡河決魏郡泛清

河以東數郡先是莽恐河決為元城冢墓害及決東去

元城不憂水故遂不堤塞四年二月赦天下夏赤氣出

東南竟天厭難將軍陳歆言捕虜生口虜犯邊者皆孝

單于咸子角所為莽怒斬其子登於長安以視諸蠻夷

大司馬甄邯死寧始將軍孔永為大司馬侍中大贅侯



一本受作授

輔為寧始將軍。莽每當出輒先授索城中。名曰橫授。師古曰

予不以不德襲于聖祖。為萬國主。思安黎元。在于建侯。分

九州正域。以美風俗。追監前代。爰綱爰紀。惟在堯典。十

有二州。衛有五服。詩國十五。播徧九州。師古曰。周南召南鄘

陳鄘曹幽。是為十國。播音普。胡反。殷頌有奄有九有之言。師古曰。商頌玄鳥之詩。美湯有功德。故能覆有

州。禹貢之九州。無并幽。周禮司馬。則無徐梁。帝王相改

各有云為。或昭其事。或大其本。厥義著明。其務一矣。昔

周二后受命。故有東都西都之居。予之受命。蓋亦如之。

其以洛陽為新室東都。常安為新室西都。邦畿連體。各

有采任。州從禹貢為九。爵從周氏有五。諸侯之員千有

八百。附城之數亦如之。以侯有功。諸公一同。有眾萬戶。

土方百里。侯伯一國。眾戶五千。土方七十里。子男一則。

一本無九字

衆戶二千有五百。土方五十里。附城大者食邑九成。衆

戶九百。土方三十里。自九以下。降殺以兩。師古曰。兩兩而降。殺音所例反。

至於一成。如淳曰。十里為成。五差備具。合當一則。今已受茅土者。

公十四人。侯九十三人。伯二十一人。子百七十一人。男

四百九十七人。凡七百九十六人。附城千五百一十一

人。九族之女為任者八十三人。及漢氏女孫中山承禮

君。遵德君。修義君。更以為任。十有一公。九卿。十二大夫。

二十四元士。定諸國邑采之處。使侍中講理。大夫孔秉

等。與州部眾郡曉知地理圖籍者。共校治于壽成朱鳥

堂。予數與羣公祭酒上卿。親聽視咸已通矣。夫褒德賞

功。所以顯仁賢也。九族和睦。所以褒親親也。予永惟匪

解。思稽前人。將章黜陟。以明好惡。安元元焉。以圖簿未

定。未授國邑。且令受奉都內月錢數千。諸侯皆困乏。至

楊慎曰區博之言特告王莽非其人耳其實至爾也後世儒者必欲行井田何

有庸作者。中郎區博諫莽曰。井田雖聖王法。其廢久矣。周道既衰。而民不從。秦知順民之心。可以獲大利也。故滅廬井。而置阡陌。遂王諸夏。訖今海內未厭其敝。今欲違民心。追復千載絕迹。雖堯舜復起。而無百年之漸。弗能行也。天下初定。萬民新附。誠未可施行。莽知民怨。廼下書曰。諸名食王田。皆得賣之。勿拘以法。犯私買賣。庶人者。且一切勿治。初五威將帥出。改句町王以爲侯。王邯怨怒不附。師古曰邯句町王之名也音下甘反莽諷牂柯大尹周歆詐殺邯。邯弟承起兵攻殺歆。先是莽發高句驪兵當伐胡。不欲行。郡強迫之。皆亡出塞。因犯法爲寇。遼西大尹田譚追擊之。爲所殺。州郡歸咎於高句驪侯。嚴尤奏言。貉人犯法。不從驪起。正有它心。宜令州郡且尉安之。師古曰假亦當且慰安今猥被以大罪。恐其遂畔。師古曰猥多也厚也。被加也夫餘之

王維楨曰所謂稽古之事者上指井田下指巡狩也

屬。必有和者。師古曰和應也音胡頤反匈奴未克。夫餘穢貉復起。此大憂也。莽不尉安。穢貉遂反。詔尤擊之。尤誘高句驪侯。至而斬焉。傳首長安。莽大說。下書曰。廼者命遣猛將。共行天罰。誅滅虜知。分爲十二部。或斷其右臂。或斬其左腋。或潰其胷腹。或紬其兩脅。今年刑在東方。張晏曰是歲在壬申刑在東方誅貉之部。先縱焉。捕斬虜驪。平定東域。虜知殄滅。在于漏刻。此乃天地羣神社稷宗廟佑助之福。公卿大夫士民同心。將率城虎之力也。師古曰城音火交反予甚嘉之。其更名高句驪爲下句驪。布告天下。令咸知焉。於是貉人愈犯邊。東北與西南夷皆亂云。莽志方盛。以爲四夷不足吞滅。專念稽古之事。復下書曰。伏念予之皇始祖考虞帝。受終文祖。在璿璣玉衡。以齊七政。遂類于上帝。禋于六宗。望秩于山川。徧于羣神。巡狩五嶽。羣后四朝。敷奏以言。

王禕曰魯昭公之喪季孫使後如闕氏將溝焉榮駕鶴曰生不能生死又離之以自旌也縱子忍之後必耻之乃止王莽之惡

明試以功。予之受命即真。至于建國五年。已五載矣。陽九之隄既度。百六之會已過。歲在壽星。填在明堂。倉龍癸酉。德在中宮。服虔曰倉龍太歲也張晏曰太歲起於甲寅為龍東方倉龍德在中宮也晉灼曰壽星角亢也東宮倉龍房心也心為明堂填星所在其國昌莽自謂觀晉掌歲龜策告從孟康曰觀辰星進退掌主也晉灼曰國語晉文公以卯出酉入過五鹿得土歲在壽星其曰戊申莽欲法之以為吉祥正以二月建寅之節東巡狩者取萬物生之始也視晉謙太歲所其以此年二月建寅之節東巡狩具禮儀調度羣公奏請募吏民人馬布綿又請內郡國十二買馬發帛四十五萬匹輸常安前後母相須至者過半莽下書曰文母太后體不安其且止待後是歲改十一公號以新為心後又改心為信五年二月文母皇太后崩葬渭陵與元帝合而溝絕之如淳曰葬於司馬門內作溝絕之內立廟於長安新室世世獻祭元帝配食坐於牀下莽為太后服喪三年大司馬孔永乞骸骨賜安車駟馬以特

於是浮于季孫矣

隆按都雒陽不托符命文

隆接焉者先畔  
邊上貉人愈犯  
王禕曰宋庠紀

進就朝位同風侯遂並為大司馬是時長安民間莽欲都須陽不肯繕治室宅師古曰繕補也或頗徹之莽曰立龍石文曰定帝德國雒陽符命著明敢不欽奉以始建國八年歲纏星紀孟康曰纏居也星紀在斗牽牛間師古曰纏踐歷也在雒陽之都其謹繕修常安之都勿令壞敗敢有犯者輒以名聞請其罪是歲烏孫大小昆彌遣使貢獻大昆彌者中國外孫也其胡婦子為小昆彌而烏孫歸附之莽見匈奴諸邊並侵意欲得烏孫心廼遣使者引小昆彌使置大昆彌使上保成師友祭酒滿昌劾奏使者曰夷狄以中國有禮誼故誦而服從大昆彌君也今序臣使於君使之上非所以有夷狄也奉使大不敬莽怒免昌官西域諸國以莽積失恩信焉者先畔殺都護但欽十一月彗星出二十餘日不見是歲以犯挾銅炭者多除其法明年改元曰

年通譜疑有鳳  
統之祥因以為

天鳳。天鳳元年正月。赦天下。莽曰。予以二月建寅之節。

行巡狩之禮。大官齋糒乾肉。內者行張坐臥。師古曰。糒。乾

謂帷帳茵席也。糒音備。所過毋得有所給。師古曰。言自齋食及帷帳。以

東巡。必躬載耒。每縣則耕以勸。東作。師古曰。耒。耜曲木也。予之南

巡。必躬載耨。每縣則燹以勸。南僞。師古曰。耨。鉏也。燹。耕去草也。

讀曰說。訛化也。予之西巡。必躬載銓。每縣則穫以勸。西成。予之

北巡。必躬載拂。每縣則粟以勸。蓋臧。師古曰。拂。音佛。所以擊

粟謂治粟。畢北巡狩之禮。即于土中。居雒陽之都焉。敢有趨

謹犯法。輒以軍法從事。劉德曰。趨。誰走呼也。羣公奏言。皇帝至孝。往

年。文母聖體不豫。躬親供養。衣冠稀解。因遭弄羣臣悲

哀。顏色未復。飲食損少。今一歲四巡。道路萬里。春秋尊

非。糒乾肉之所能堪。且無巡狩。須闋大服。以安聖體。臣

等盡力養牧兆民。奉稱明詔。莽曰。羣公羣牧羣司諸侯

庶尹。願盡力相帥。養牧兆民。欲以稱予。繇此敬德。其勗

之哉。毋食言焉。更以天鳳七年。歲在大梁。倉龍庚辰。行

巡狩之禮。厥明年。歲在實沈。倉龍辛巳。即土之中。雒陽

之都。廼遣大傅平晏。大司空王邑。之雒陽。營相宅兆。圖

起宗廟社稷郊兆云。三月壬申晦。日有食之。大赦天下。

策。大司馬遂並曰。日食無光。干戈不戢。其上。大司馬印

鞞。就侯氏朝位。大傅平晏勿領。尙書事。省侍中。諸曹兼

官者。以利苗男。訴為大司馬。如淳曰。利。苗邑名。莽即真。尤備大臣。

抑奪下權。朝臣有言其過失者。輒拔擢。孔仁趙博費興

等。以敢擊大臣。故見信任。擇名官而居之。公卿入官。吏

有常數。太傅平晏從吏過例。掖門。僕射苛問不遜。師古曰。

問平晏。其言不遜。戊曹士收繫僕射。應劭曰。莽自以土行。故使

使執法發車騎數百。圍太傅府。捕士。即時死。大司空士

隆接改官制亦  
托符命文

漢書卷九十九中 卷九十九

夜過奉常亭。亭長苛之，告以官名。亭長醉曰：寧有符傳耶？士以馬箠擊亭長，亭長斬士亡。郡縣逐之。家上書師占

曰亭長家上書自治莽曰：亭長奉公，勿逐。大司空邑斥士以謝國將

哀章頗不清。莽為選置和叔師古曰：特為置此官。敕曰：非但保國將

闔門當保親屬在西州者。諸公皆輕賤，而章尤甚。四月

隕霜殺山木，海瀕尤甚。六月黃霧四塞，七月大風拔樹。

飛北闕直城門屋瓦師古曰：直城門，長安城門名也。雨雹殺牛羊。莽以周

官王制之文置卒正連率大夫。職如太守，屬令屬長。職

如都尉。置州牧部監二十五人。見禮如三公。監位上大

夫。各主五郡。公氏作牧，侯氏卒正，伯氏連率，子氏屬令。

男氏屬長。皆世其官。其無爵者為尹。分長安城旁六鄉

置帥各一人，分三輔為六尉郡師古曰：三輔黃圖云：渭城、安陵、

尉大夫居故長安寺高陵以北十縣屬尉大夫府居故廷尉府新豐以東至湖十縣屬尉大夫府居城東霸陵杜陵東至藍田西至武功都夷十

縣屬尉大夫府居城南茂陵柳里以西至汧十縣屬尉大夫府居城北河東

居城西長安池陽以北至雲陽祿祿十縣屬尉大夫府居城北

河內弘農河南潁川南陽為六隊郡師古曰：置大夫職

如太守屬正。職如都尉。更名河南大尹曰保忠信卿。益

河南屬縣滿三十。置六郊州長各一人。人主五縣。及它

官名悉改。大郡至分為五郡。縣以亭為名者三百六十。

以應符命文也。緣邊又置竟尉，以男為之。諸侯國閒田

為黜陟增減云師古曰：閒音閑，以擬有功封賜有罪黜陟也。莽下書曰：常安西都

曰六鄉。眾縣曰六尉。義陽東都曰六州。眾縣曰六隊。粟

米之內曰內郡師古曰：禹貢去王城四百里納粟五百里納米皆在甸服之內。其外曰近郡。有

郭徼者曰邊郡。合百二十有五郡。九州之內。縣二千二

百有三。公作甸侯。是為惟城。諸在侯服。是為惟寧。在采

任諸侯。是為惟翰師古曰：采采服也。任男服也。在賓服。是為惟屏師古曰：賓服即

古衛服也。取諸侯賓服以為名。在揆文教。奮武衛。是為惟垣。在九州之外。

是為惟藩

師古曰凡此惟城以下取詩大雅板之篇云俗人惟藩太師惟垣大邦惟屏太宗惟翰懷德惟寧宗子惟城以為名號也

各以其方為稱總為萬國焉其後歲復變更一郡至五

易名而還復其故吏民不能紀每下詔書輒繫其故名

曰制詔陳留大尹太尉其以益歲以南付新平

蘇林曰陳留圍縣莽

改曰益歲新平故淮陽以雍丘以東付陳定陳定故梁郡以

封丘以東付治亭治亭故東郡以陳留以西付祈隧祈

隧故滎陽陳留已無復有郡矣大尹太尉皆詣行在所

其號令變易皆此類也令天下小學戊子代甲子為六

旬首冠以戊子為元日

師古曰元善也

昏以戊寅之旬為忌日

百姓多不從者匈奴單于知死弟咸立為單于求和親

莽遣使者厚賂之詐許還其侍子登因購求陳良終帶

等單于即執良等付使者檻車詣長安莽燔燒良等於

城北令吏民會觀之緣邊大饑人相食諫大夫如昔行

邊兵還言軍士久屯塞苦邊郡無以相贍今單于新和

宜因是罷兵校尉韓威進曰以新室之威而吞胡虜無

異口中蚤蝨臣願得勇敢之士五千人不齎斗糧饑食

虜肉渴飲其血可以橫行莽壯其言以威為將軍然采

普言徵還諸將在邊者免陳欽等十八人又罷四關填

都尉諸屯兵會匈奴使還單于知侍子登前誅死發兵

寇邊莽復發軍屯於是邊民流入內郡為人奴婢廼禁

吏民敢挾邊民者弄市益州蠻夷殺大尹程隆三邊盡

反遣平蠻將軍馮茂將兵擊之寧始將軍侯輔免講易

祭酒戴參為寧始將軍二年二月置酒王路堂公卿大

夫皆佐酒

師古曰助行酒

大赦天下是時日中見星大司馬苗

詵左遷司命以延德侯陳茂為大司馬詵言黃龍墮死

黃山宮中百姓奔走往觀者有萬數莽惡之

師古曰莽自謂黃德故有

劉放曰稍所略  
非辭嘗云所鈔

徐中行曰安靜  
無為則寧謐之  
化自成如欲制  
定而好變改天  
下其烏乎

此捕繫問語所從起。不能得。單于咸既和親。求其子登屍。莽欲遣使送致。恐咸怨恨害使者。廼取前言當誅侍子者。故將軍陳欽以他事繫獄。欽曰。是欲以我為說於匈奴也。師古曰說解說也遂自殺。莽選儒生能顯對者。濟南王咸為大使。五威將軍琅邪伏黯等為帥使。送登屍。敕令掘單于知墓。棘鞭其屍。又令匈奴却塞於漠北。責單于馬萬匹。牛三萬頭。羊十萬頭。及稍所畧邊民生口在者皆還之。莽好為大言如此。咸到單于庭。陳莽威德。責單于背畔之辜。應敵從橫。單于不能詘。遂致命而還之。入塞。咸病死。封其子為伯。伏黯等皆為子。莽意以為制定。則天下自平。故銳思於地里。制禮作樂。講合六經之說。公卿旦入幕出。議論連年不決。不暇省獄訟冤結。民之急務。縣宰缺者。數年守兼。師古曰不拜正官權令人守兼一切貪殘日甚。是時

中郎將繡衣執法在郡國者。並乘權執。傅相舉奏。又十一公士。分布勸農桑。班時令案諸章。冠蓋相望。交錯道路。召會吏民。逮捕證左。郡縣賊斂。遞相賂賂。白黑紛然。師古曰言清濁不分也守闕告訴者多。莽自見前顯權。以得漢政。故務自擅眾事。師古曰擅與擊同其字從手有司受成苟免。師古曰莽事自決成熟乃以付吏責而已諸寶物名帑藏錢穀官。皆宦者領之。吏民上封事書。宦官左右開發。尙書不得知其畏備臣下如此。又好變改制度。政令煩多。當奉行者。輒質問乃以從事。前後相乘。憤眊不潔。師古曰乘積也登也憤眊不明也潔散也微也憤音王內反眊音莫報反莽常御燈火。至明猶不能勝。尙書因是為姦寢事。上書待報者。連年不得去。拘繫郡縣者。逢赦而後出。衛卒不交代三歲矣。穀常貴。邊兵二十餘萬人。仰衣食。縣官愁苦。五原代郡尤被其毒。起為盜賊。數千人為輩。轉入旁郡。莽遣

捕盜將軍孔仁將兵與郡縣合擊歲餘廼定邊郡亦略  
將盡師古曰言其逃亡結為盜賊在者少也邯鄲以北大雨霧水出深者數丈  
流殺數千人立國將軍孫建死司命趙閔為立國將軍  
寧始將軍戴參歸故官南城將軍廉丹為寧始將軍三  
年二月乙酉地震大雨雪關東尤甚深者一丈竹栢或  
枯大司空王邑上書言視事八年功業不效司空之職  
尤獨廢頓至廼有地震之變願乞骸骨莽曰夫地有動  
有震震者有害動者不害春秋記地震易繫坤動動靜  
辟脅萬物生焉師古曰辟音開也脅收歛也易上繫之辭災異之變各有云為  
天地動威以戒予躬公何辜焉而乞骸骨非所以助予  
者也使諸吏散騎司祿大衛修寧男遵諭予意焉五月  
莽下吏祿制度曰予遭陽九之院百六之會國用不足  
民人騷動自公卿以下一月之祿十縷布二匹孟康曰縷八十縷也

師古曰縷音子公反或帛一匹予每念之未嘗不戚焉今院會已度  
府帑雖未能充略頗稍給其以六月朔庚寅始賦吏祿  
皆如制度四輔公卿大夫士下至輿僚凡十五等僚祿  
一歲六十六斛稍以差增上至四輔而為萬斛云莽又  
曰普天之下莫非王土率土之濱莫非王臣蓋以天下  
養焉周禮繕羞百有二十品令諸侯各食其同國則古師  
曰謂公食同侯伯食國子男食則也辟任附城食其邑師古曰辟君也任公主也辟言璧任音王公卿  
大夫元士食其采師古曰謂因官職而食地也多少之差歲有條品歲  
豐穰則充其禮有災害則有所損與百姓同憂喜也其  
用上計時通計天下幸無災害者太官膳羞備其品矣  
卽有災害以什率多少而損膳焉東嶽太師立國將軍  
保東方三州一部二十五郡南嶽太傅前將軍保南方  
二州一部二十五郡西嶽國師寧始將軍保西方一州



產按莽事煩瑣  
難敘故班氏每  
叙一事則用一  
句收結如曰其  
號令變易皆此  
類也曰好為大  
言如此曰其畏  
制度煩碎如此  
殊有條而不紊  
云

二部二十五郡。北嶽國將衛將軍保北方二州一部二  
十五郡。大司馬保納卿言卿仕卿作卿京尉扶尉兆隊  
右隊中部左泊前七部。服虔曰大司馬保此官皆如郡守也晉灼曰左與前故特七部師古曰泊亦泉字也  
隊音遂。大司徒保樂卿典卿宗卿秩卿翼尉光尉左隊  
前隊中部右部有五郡。大司空保予卿虞卿共卿工卿  
師尉列尉祈隊後隊中部泊後十郡。及六司六卿皆隨  
所屬之公保其災害。亦以十率多少而損其祿。郎從官  
中都官吏食祿都內之委者。以太官膳羞備損而為節  
師古曰言隨其多少諸侯辟任附城羣吏亦各保其災害。幾上下同  
心。勸進農業。安元元焉。莽之制度煩碎如此。課計不可  
理。吏終不得祿。各因官職為姦。受取賕賂以自共給。是  
月戊辰。長平館西岸崩。豈涇水不流。毀而北行。師古曰豈讀曰壅  
遣大司空王邑行視。還奏狀。羣臣上壽以為河圖所謂

隆按所舉四行  
亦取四門四聰  
之義

以土填水。師古曰填讀與鎮同匈奴滅亡之祥也。乃遣并州牧宋弘  
游擊都尉任萌等將兵擊匈奴。至邊止屯。七月辛酉。霸  
城門災。民間所謂青門也。師古曰三輔黃圖云長安城東出南頭名霸城門俗以其色青名曰青門  
戊子晦。日有食之。大赦天下。復令公卿大夫諸侯二千  
石舉四行各一人。師古曰依漢光祿之四科大司馬陳茂以日食免。武  
建伯嚴尤為大司馬。師古曰莽之伯子男號也十月戊辰。王路朱鳥門  
鳴。晝夜不絕。崔發等曰。虞帝關四門。通四聰。門鳴者明  
當修先聖之禮。招四方之士也。於是令羣臣皆賀。所舉  
四行從朱鳥門入而對策焉。平蠻將軍馮茂擊句町。士  
卒疾疫死者什六七。賦歛民財什取五。益州虛耗而不  
克。徵還下獄死。更遣寧始將軍廉丹與庸部牧史熊擊  
句町。頗斬首有勝。莽徵丹熊。丹熊願益調度。必克乃還。  
復大賦歛。就都大尹馮英不肯給。上言自越。需遂久仇

牛同亭邪豆之屬反畔以來積且十年師古曰遂久縣名也仇牛等越馬旁夷

郡縣距擊不已。續用馮茂苟施一切之政。燹道以南山險高深。茂多毆眾遠居。費以億計。吏士離毒氣死者什

七。師古曰離遭也。今丹熊懼於自詭期會。師古曰詭責也。自以爲憂責也。調發諸

郡兵。穀復訾民。取其十四。師古曰發人訾財十取共四也。空破梁州。功終

不遂。宜罷兵屯田。明設購賞。莽怒免英官。後頗覺寤曰。

英亦未可厚非。復以英爲長沙連率。翟義黨王孫慶捕

得。莽使太醫尙方與巧屠共剗剗之。師古曰剗剖也音口胡反。量度五

臧。以竹筵導其脉。知所終始。云可以治病。師古曰筵竹筵也音庭。是

歲遣大使五威將王駿。西域都護李崇將戊己校尉出

西域。諸國皆郊迎貢獻焉。諸國前殺都護。但欽。駿欲襲

之。命左帥何封。戊己校尉郭欽。別將師古曰別領兵在後也。馮者詐

降。伏兵擊駿等皆死。欽封後到。襲擊老弱。從車師還入

塞。莽拜欽爲填外將軍。封剗胡子師古曰剗音子小反。何封爲集胡

男。西域自此絕。

--	--	--	--	--	--	--	--	--	--	--	--	--	--	--	--	--	--	--	--

漢書評林卷九十九中終

[Blank columns for text]

